

18. marts 2015

Uunga siunnersuut: Tarnimikkut nappaatilinnik kiffaanngissusiaaneq allatigullu pinngitsaaliissummik iliuseqarneq pillugu Inatsisartut Inatsisaata allanngortinnera pillugu Inatsisartut inatsisaat nr. xx, xx. xxx 2015-imeersoq.

(Pinngitsaaliissummik katsorsarneqarnermi eqqarsarfissinneqarneq, Napparsimasunut siunnersortinik atorfinitsitsisarnermi aalajangiinissamut pisinnaatitsineq, Maalaaruteqartarneq aamma eqqartuussivilersuussisinnaaneq)

(Peqqissutsimut Nunanillu Avannarlernik Suleqateqarnermut Naalakkersuisoq)

Tarnimikkut nappaatillit isumagineqarnerat pitsaanerpaaq angujumallugu sullissinissamik ilinniagallit amerlisarneqarnissaat Siumup sulissutigissallugu pisussaaffigaa, ullumikkullu sulisorineqartut pikkorissartuarnissaminut periarfissaqartinneqarnerat aamma inerisaavigissallugu Siumut pitsannguarnissaminut piareersimavoq.

Nunatsinni tarnikkut nappaatillit isumagineqarnerat pitsanngorsarneqartuassaaq ataavartumillu piorsaavigineqartuassalluni. Tarnimikkut nappaatillit inuttut pisinnaatitaaffeqarneq allatulli pisinnaatitaaffeqarfigaat, taamaattumik naleqassuseqarnermik akisussaaqataassutsimillu piginnaatitaaffeqarnerat Siumiit taperserparput.

Ersinngitsumik innarluutillit paasineqajaarnerusalernissaannut iliussissat pilersinneqarnissaat nakkutigineqartuartaavoq. Sullinneqartarnerisalu pitsanngorsarnissaat Siumup aamma sulissutiguassallugu pisussaaffeqarpoq.

Siunnersuut ilalernartipparput tunngavimmigullu inatsisip atuutilernissaanut Siumumiit tapersersuivugut.

Siumumiit suliap aappassaaneerneckartinnani Ataatsimiititaliami susassaqartumut inatsisissap suliareqqinneqaqqinnissaa innersuupparput.

Laura Táunâjik
Siumut